

Supplication zu Recht nicht stat zu haben p fleget/
wann sonst andere ordentliche mittel/ dar durch
dem beschwerten geholffen werden kan/ verhan-
den/ vnd derowegen auch billich bis anhero in vn-
sern Landen/ in welchen man sich/ wie bemelt/ der
Leuterung vnd Oberleuterung zugebrauchen/
nit nachgelassen worden/ Weil wir aber dannoch
vermercken/ das etliche/ welche des Processus vn-
serer Lande nit gunungsam kundig/ die Partheien
dorauff verleiten/ So haben wir auch solches zu-
uerordnen vonnöten geachtet/ Vnd wollen dem-
nach/ das man hinfüro dergleichen suchen an vn-
serm Hoffe nicht annemen/ noch einigen Proces
dorauff erkennen/ sondern die Partheien stracks
dauon abweisen sol.

Beschluß.

Was ist demnach vnser ernster
Befehl/ wil vnd meinung/ das diese vnser
Ordnung stet/ fest / vnd vnuerbrüchlich gehalten
werde / Sonderlich aber sollen vnser Cankzeler/
Præsident vnd Rätthe/ auch die/ zu dem Appellati-
ongericht/ verordente Besizer / schuldig sein / ob
dieser vnser Ordnung vestiglich zu halten/ damit
dero / durch sie selbst / den Gerichts Secretarien

H iij

vnd